

Bah di Terengganu makin buruk

KUALA TERENGGANU: Keadaan banjir di negeri ini semakin buruk apabila seramai 975 orang dipindahkan ke 21 pusat pemindahan sehingga jam 6 petang semalam berbanding 144 mangsa di lima pusat pemindahan kelmarin.

Mendahului senarai, Dungun mencatatkan jumlah tertinggi dengan 317 penduduk dipindahkan diikuti Setiu (269), Marang (171),

Besut (101), Kuala Terengganu (91) dan Hulu Terengganu (26) manakala Kemaman tiada pemindahan.

Mangsa banjir, Azmi Md Ali, 45, dari Taman Desa Darul Iman 6, di sini, berkata, hujan yang tidak berhenti sejak pagi kelmarin membuatkan dia dan keluarganya tidak sedap hati serta membuat persediaan awal untuk berpindah.

“Sudah tiga tahun kami se-

keluarga menjadi mangsa banjir, jadi kami membuat persiapan awal dengan menyimpan semua dokumen penting di tempat selamat.

“Banjir di kawasan ini bukanlah berpunca daripada paras air sungai atau air laut yang meningkat, tetapi ia berpunca daripada saiz longkang yang kecil sehingga mengakibatkan air tidak dapat mengalir dengan cepat,” katanya ketika ditemui di pusat

pemindahan banjir di Sekolah Kebangsaan Tanjung Gelam, di sini, semalam.

Sementara itu, Pengarah Jabatan Pengairan dan Saliran (JPS) Negeri, berkata Mat Husin Ghani berkata, sebagai langkah segera mengatasi bencana banjir yang melanda di semua daerah di negeri ini kecuali Kemaman, pihaknya akan memperbaiki serta membesarkan parit utama untuk mengalirkan air tersumbat.

Banjir di Terengganu

Statistik pemindahan mangsa banjir di Terengganu sehingga jam 6 petang semalam



Daerah	Bilangan Mangsa	Bilangan Keluarga	Pusat Pemindahan
1 Besut	101	26	2
2 Dungun	317	80	5
3 Hulu Terengganu	26	6	2
4 Kuala Terengganu	91	25	1
5 Marang	171	41	2
6 Setiu	269	71	9
JUMLAH	975	249	21

FOTO | Azmaidi Abidin, Halim Mat Ali dan Afif Abd Halim



ROSAK...kereta tenggelam di Jalan Tun Ismail.



TOLAK...orang ramai menolak sebuah kereta yang terkandas di Jalan Tun Ismail.

Metro 25/12/12 MS 10'

Tengkujuh bertandang

Air naik 1.5m

Beberapa jalan utama di pusat bandar Kuantan ditenggelami air

Ibu sarat hamil naik empat bot ke hospital

PERMAISURI: Tindakan pantas pasukan penyelamat membawa keluar seorang ibu muda sarat mengandung yang terperangkap akibat banjir berjaya menyelamatkannya daripada kejadian tidak diingini.

Nor Syawani Zulkifli, 22, dari Kampung Hulu Seladang, dekat sini, menaiki empat bot sebelum dapat diselamatkan untuk dihantar ke Hospital Setiu berikutan jalan yang menghubungkan rumahnya ke bandar Permaisuri ditenggelami air.

Nor Syawani yang mengandung anak kedua hanya menunggu masa untuk bersalin apabila kandungannya kini berusia sembilan bulan.

“Saya bersama keluarga serta seorang anak berusia dua tahun sentiasa berdoa dan mengingati Allah supaya selamat dalam perjalanan kerana bimbang bot dinaiki rosak.

“Lebih mendebarkan, kami

sampai bila-bila.

“Hanya Tuhan tahu betapa takutnya kami ketika mengharungi arus deras dalam keadaan hujan lebat,” katanya.

Menurutnya, dia berterima kasih kepada Ahli Dewan Undangan Negeri (Adun) Permaisuri, Abd Halim Jusoh dan pasukan bantuan daripada Pejabat Khidmat Masyarakat Dewan Undangan Negeri (Dun) Permaisuri yang bertungkus-lumus menyelamatkannya walaupun mereka sendiri berdepan risiko.

Pasukan penyelamat menggunakan bot untuk membawa keluar mangsa yang terperangkap di rumahnya di Kampung Hulu Seladang sejauh 10 kilometer dari bandar Permaisuri berikutan paras air semakin naik.

Selain itu, jalan bandar Permaisuri-Hulu Seladang yang dinaiki air kira-kira tiga meter ditutup kepada semua lalu lintas sejak awal pagi semalam dan pasukan penyelamat

>>Oleh Asrol Awang dan Shalfarina Shahrman

am@hmetro.com.my

KUANTAN: Hujan lebat selama tiga jam menyebabkan beberapa jalan utama terutama di pusat bandar dilanda banjir sedalam 1.5 meter (m).

Antara jalan ditenggelami air ialah Jalan Tun Ismail Satu, Jalan Beserah, Jalan Wong Ah Jang, Jalan Lim Hoe Lek, Jalan Abd Aziz, Jalan Mahkota, Jalan Bukit Ubi, Jalan Air Putih dan Jalan Pasar.

Difahamkan, banjir kilat itu berlaku jam 11 pagi semalam menyebabkan banyak kenderaan terkandas di jalan raya selain beberapa premis perniagaan ditutup kerana dinaiki air.

Walaupun daerah ini mula hujan sejak malam kelmarin, hujan lebat selama tiga jam bermula jam 8 pagi semalam menyebabkan berlaku banjir kilat.

Keadaan itu menyebabkan kebanyakan pemilik kenderaan panik dan menyelamatkan diri dengan meredah jalan yang ditenggelami air.

Tinjauan Harian Metro di sekitar Jalan Tun Ismail, di sini, mendapati 10 kenderaan terkandas dan orang ramai membantu mengalihkan kenderaan mereka.

Bagaimanapun, lima jam kemudian, air mula surut dan beberapa jalan boleh dilalui semua kenderaan.

Tinjauan juga mendapati beberapa taman perumahan iaitu di Taman LKNP, Bukit Setongkol, Taman Perumahan Transit Quarters, Taman Teratai dan Semambu turut ditenggelami air antara 0.1 meter hingga satu meter.

Keadaan itu menyebabkan penduduk mengalami kerugian apabila beberapa barang dan kelengkapan rumah tidak dapat diselamatkan berikutan kejadian tidak diduga itu.

Sementara itu, jurucakap pusat pemindahan banjir negeri berkata, seramai 787 mangsa banjir membabitkan 179 keluarga ditempatkan di enam pusat pemindahan di sekitar daerah ini, Pekan dan Rompin.

Antara kampung terbabit di daerah ini adalah Kampung Galing, Taman Seri Kuantan, Kampung Cenderawasih, Kampung Tengah, Kampung Tanjung Lumpur dan beberapa buah kampung di sekitar Pandan.

Manakala mangsa di Pekan adalah di Kampung Sungai Miang serta Kampung Cenderawasih dan di Rompin adalah Kampung Perpat.

Mangsa ditempatkan sementara di pusat pemindahan di bandar ini adalah Sekolah Kebangsaan (SK) Galing seramai 362 mangsa membabitkan 64 keluarga, SK Cenderawasih seramai 200 mangsa membabitkan 52 keluarga, Sekolah Menengah

Kebangsaan (SMK) Pandan seramai 93 mangsa membabitkan 41 keluarga dan Balai Raya Tanjung Lumpur seramai 21 mangsa membabitkan empat keluarga.

Manakala di Pekan pusat pemindahan adalah di SK Sinar Mutiara, Sungai Miang menempatkan 60 mangsa daripada 10 keluarga dan Masjid Kampung Perpat di Rompin menempatkan 51 mangsa membabitkan lapan keluarga.

Sebelum ini, sebanyak lapan laluan utama terpaksa ditutup dan dibuka semula selepas surut namun jalan di Jambatan Sungai Caru, Jalan Sungai Lembing, di sini, masih ditutup berikutan air naik sehingga ke paras 10 meter.

terpaksa menaiki empat bot lain untuk sampai ke bandar Permaisuri dan ia amat menakutkan menjadikan pengalaman ini akan saya ingat

terpaksa menggunakan bot untuk mengangkut mangsa banjir ke pusat pemindahan banjir di Surau Kampung Buloh.



BANTU...Nor Syawani (tudung hitam) memangku anaknya yang berusia dua tahun.

HM e-Paper



Untuk lebih gambar dan video sila layari subscription.nstp.com.my